

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVIII)8

**SOALAN BERTULIS OLEH AHLI KAWASAN PERMATANG
BERANGAN
YB. NOR HAFIZAH BINTI OTHMAN**

8. Berapakah jumlah kilang yang masih beroperasi di Pulau Pinang dan Seberang Perai?
 - (a) Berapakah jumlah kilang yang telah menghentikan operasi?
 - (b) Apakah puncanya dan berapakah jumlah pekerja yang hilang pekerjaan akibat penutupan operasi kilang tersebut?
 - (c) Apakah impak kepada kerajaan dengan penutupan itu?

**YB. DATO' IR. HAJI AHMAD ZAKIYUDDIN BIN ABD.RAHMAN
MENJAWAB BAGI PIHAK Y.A.B. KETUA MENTERI**

8. Kilang yang beroperasi dalam kawasan perindustrian di bawah seliaan Perbadanan Pembangunan Negeri (PDC) berjumlah 222 buah masing-masing 119 buah di Batu Kawan, 72 buah di Penang Science Park dan 31 buah di North Penang Science Park.
 - (a) Bagi tempoh tahun 2016 hingga 2017, terdapat empat (4) buah kilang di Pulau Pinang yang telah menutup operasi atau berpindah keluar. Kilang-kilang tersebut adalah :-

- (i) Fujisash Co. Ltd. ;
 - (ii) HGST Technologies Malaysia Sdn Bhd ;
 - (iii) Rubicon ; dan
 - (iv) Seagate .
- (b) Punca kilang-kilang ini ditutup antara lain disebabkan oleh pemberhentian aktiviti pengeluaran produk tertentu, keputusan dan arahan dari syarikat induk dan berpindah operasi ke negara lain. Selain itu, berdasarkan statistik Jabatan Tenaga Kerja, pada tahun 2017 sahaja seramai 1,215 pekerja telah diberhentikan oleh sejumlah 106 majikan dari pelbagai sektor di Pulau Pinang seperti jadual berikut :

Sektor	Bil. Majikan	Jumlah Pekerja Yang Diberhentikan
Pembuatan	49	880
Perniagaan	16	107
Perkhidmatan	36	210
Pembinaan	4	10
Pengangkutan	1	8
Jumlah	106	1,215

- (c) Kerajaan Negeri menyedari akan impak yang terpaksa dihadapi khususnya dalam konteks lambakan tenaga kerja dan peningkatan kadar pengangguran. Impak ini bersifat jangka pendek memandangkan terdapat banyak lagi kilang baharu yang mula beroperasi dan kilang sedia ada yang diperluaskan. Lembaga Pembangunan Industri Malaysia (MIDA) mencatatkan negeri Pulau Pinang mencapai nilai pelaburan industri pembuatan yang baik dan ini telah mewujudkan peluang pekerjaan baharu. Bilangan pekerjaan yang diwujudkan melalui nilai pelaburan baharu bagi tahun 2016 dan 2017 adalah seperti jadual berikut :

Tahun	Nilai Pelaburan (Kedudukan di antara negeri)	Bil. Pekerjaan Diwujudkan
2016	RM 4.3 bil (No. 4 tertinggi)	10,816
2017	RM10.8 bil (No. 2 tertinggi)	13,553

Tambahan pula kadar pengangguran di Pulau Pinang pada tahun 2016 adalah hanya 2.1% iaitu kadar kedua paling rendah antara negeri-negeri di Malaysia. Menurut Buletin Perangkaan Sosial 2017, pada tahun 2016 Pulau Pinang mencatat bilangan pendaftar baharu (permohonan pekerjaan) berjumlah 2,983, sementara kekosongan jawatan yang didaftar adalah lebih tinggi iaitu 57,737.